



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-02-1-414-5/05

Datum: 12.02.2013. godine

**OPĆINSKO VIJEĆE**

**Predmet:** Izvještaj o provedenoj javnoj raspravi na nacrt Odluke o izmjeni i dopuni Odluke o izmjeni naziva ulica u Tešnju, Jelahu i Tešanjci, dostavlja se.-

Na osnovu Zaključka o prihvatanju nacrtu Odluke o izmjeni i dopuni Odluke o izmjeni naziva ulica i trgova u Tešnju, Jelahu i Tešanjci, koji je donijelo Općinsko vijeće na 3. sjednici održanoj 28.12.2012. godine, provedena je javna rasprava u trajanju od 30 dana, a koja je bila otvorena do 08.02.2013. godine. Poziv za javnu raspravu upućen je građanima i svim zainteresovanim licima putem radio "Tešanj" "Antena" i „ZOS”, te TV SMART, oglasnim pločama i internet stranici Općine, kao putem pošte na adrese podnosioca inicijativa čiji su prijedlozi uvršteni u nacrt Odluke.

U periodu provođenja javne rasprave u pismenom obliku dostavljeno je 7 prijedloga sa prijedlozima i sugestijama na nacrt Odluke, i to:

1. FB grupa "Za stare ratnike Bosanske",
2. Adnan Bajraktarević
3. Nedžad Čvorić
4. Mjesna zajednica Kraševo i Amil Buljubašić
5. Mjesna zajednica Jelah
6. BPS Sefer Halilović
7. OO SDA Tešanj

Prijedlozi i sugestije su:

1. **FB grupa "Za stare ratnike Bosanske"** da se u naseljenom mjestu Jelah pod tačkom 1a unese naziv TRG, i to: "Trg Adema Omahaća Omaha od regionalnog puta 474 Prnjavor-Novi Šeher (iza Doma kulture u Jelahu) do magistralne ceste Karuše-Teslić-Banja Luka, kod caffè bar "Capy" (gdje je planirano uređenje nove ulice – puta), odnosno da se mjesto kulturno-sportskog centra nazove Trg Adema Omahaća Omaha. - **Nije usvojen naziv trg**, jer je ulica već isprojektovana, obezbijedena je finansijska konstrukcija i u toku je odabir izvođača radova, a slične radnje nisu vršene za trg. Nakon izgradnje i uređenja kompleksa i ulice pokrenut će se procedura da se navedena lokacija označi kao trg.
2. **Adnan Bajraktarević** - *Prijedlog da se odredi naziv ulice, trga ili javne ustanove odredi po Mehmedu Mehi Bajraktareviću – Nije usvojeno* jer se ovaj prijedlog ne odnosi na predložena rješenja u nacrtu Odluke.
3. **Nedžad Čvorić** - *Da se sadašnji prijedlog lokacije za naziv ulice Saliha Sarića nazove "ulica Muftije Mesuda efendije Smailbegovića", a da se lokacija koja nosi naziv "ulica Muftije Mesuda efendije Smailbegovića" preimenuje u "ulica Saliha Sarića". Nije usvojeno* jer bi promjena naziva ulica dovela do dodatnih troškova za građane.

4. **MZ Kraševo i Amil Buljubašić** - *Da se imenuje ulica na području općine Tešanj, odnosno na dijelu naseljenog mjesta Tešanjka po imenu posthumno odlikovanog Zlatnog ljiljana Dubravac Kasima – Maksa iz Kraševa u naseljenom mjestu Tešanjka. Nije usvojeno* jer se ovaj prijedlog ne odnosi na predložena rješenja u nacrtu Odluke.
5. **MZ Jelah** - *Mjesna zajednica podržava prijedlog iz nacrtu Odluke da se predložena lokacija nazove ulica Adema Omahaća Omahe. Usvojeno*
6. **BPS Sefer Halilović** - *Da se dionica regionalnog puta između Jelaha i Tešnja da naziv "Put (ili cesta) Adema Omahaća Omahe". Nije usvojeno*, jer na navedenoj lokaciji postoje nazivi ulica, a takav prijedlog Komisija je razmatrala i utvrdila da bi promjena naziva ulica dovela do dodatnih troškova za građane i pravne subjekte koji se nalaze na navedenoj lokaciji.  
–*Da se naziv "ulica Enesa Galijaševića" preimenuje u naziv "Zibe i Enesa Galijaševića". Nije usvojeno* u skladu sa ranijim obrazloženjem Komisije.
7. **OO SDA Tešanj** – *Prijedlog da se po urbanističkom rješenju CENTAR JELAH (Prostor oko sadašnjeg Doma kulture), zajedno sa budućom saobraćanicom od regionalnog puta R474 (Prnjavor – Jelah – Tešanj – Novi Šeher) pored Doma kulture do magistralne ceste M4 (Teslić – Jelah – Karuše) nazove "TRG ADEMA OMAHIĆA OMAHE". - Nije usvojen naziv trg*, jer je ulica već isprojektovana, obezbijedena je finansijska konstrukcija i u toku je odabir izvođača radova, a slične radnje nisu vršene za trg. Nakon izgradnje i uređenja kompleksa i ulice pokrenut će se procedura da se navedena lokacija označi kao trg

Na usmenom dijelu javne rasprave koji je održan 23.01.2013. godine prisutno je 5 zainteresovanih lica koji su iznijeli svoje stavove i prijedloge, i to:

1. Samir Hatkić, član FB grupe "Za stare ratnike Bosanske",
2. Elvedin Himzić, član FB grupe "Za stare ratnike Bosanske",
3. Islam Dubravac, član FB grupe "Za stare ratnike Bosanske",
4. Azra Muslija, pomoćnik Općinskog načelnika,
5. Jasmin Mandžukić, predsjednik Komisije.

**Članovi FB grupe "Za stare ratnike Bosanske"**, su ostali pri svom ranije podnesenom prijedlogu ali isti proširuju tako što se riječ "ulica" zamjenjuje sa "Trg", takav prijedlog su dostavili i u pisanom obliku. *Nije usvojen naziv trg*, ali će se nakon izgradnje i uređenja kompleksa i ulice pokrenuti procedura da se navedena lokacija označi kao trg.

**Jasmin Mandžukić** iznosi dodatno obrazloženje da je naziv Put Ahmetagića adekvatniji od naziva ulica. *Usvojeno*

## **OBRADIVAČ**

**Služba za društvene djelatnosti, komunalne poslove i ekologiju**

**Pomoćnik Općinskog načelnika**

**Azra Muslija, dipl. pravnik**

**Stručni savjetnik za normativno- pravne poslove**

**Mirnes Dedukić, dipl. pravnik**